

Caso contra homber cu a viola mucha muhe posponi

ORANJESTAD – E sospechoso homber C. a presenta den sala di Corte, pa e caso penal cu Ministerio Publico a cuminsa contra dje. Tambe tabata presente e mama di e victima.

VIOLA MUCHA MUHER
Fiscal a acusa C. cu riba 29 Mei 2013 el a viola un mucha muhe, uzando menasa. Subsidiario, Fiscal ta acusa C. di a haci actonan immoral cu e mucha.

Fiscal a splica cu e proces-verbaal ta casi cla. El a bisa Hues cu e ta encarga cu casonan di immoralidad y tambe violacion y cu e situacion actual ta asina cu tin un cantidad di casonan di immoralidad pendiente y esey e ta tarda pa traha proces-verbaal. Fis-

cal a sigui bisa cu tin rapport di Reclassering y psicologo traha caba pero ainda falta un investigacion.

A MANDA COSNAN PA NFI HULANDA

Fiscal a mostra cu a manda cosnan Hulanda pa investigacion. Ainda falta investigacion di NIF Instituto Ofrece na Hulanda. Ta asina cu segun maneho, un des pa luna ta manda cosnan pa NIF investiga. Esey ta nifica cu lo bay dura 3 luna.

POSPONE E CASO

Fiscal a bisa Hues cu C. a admiti di a haci cosnan. El a bisa cu no tin investigacion ta tumando luga pero mirando e seriedad di e caso, e no ta haya cu por laga C. liber. El a

pidi Hues pa pospone e caso pa 3 luna.

Abogado mr. Nicolaas a bisa Hues cu e no a haya e rapportnan di Reclassering y psicologo cu Fiscal a bisa un rato prome. El a bisa cu e por a compronde for di su cliente cu psychiater a papia cu su cliente. E lo aprecia di haya rapport Reclassering y psicologo. E abogado a bisa Hues cu su cliente a admiti su culpabilidad y esey ta haya cu no ta bay pidi pa suspende su detencion.

Hues a bisa cu e lo bay pospone e caso pa 24 Januari pa 8.30 di mainta. Ta di spera cu pa e momento ey tur e investigacionnan di NFI ta cla pa asina por trata e caso cu tur e rapportnan acerca. □

